

– Ma! Ma! Ov ako nanayas, ka halas amen o sap!

Lela les, ikerla leske pi phakh te sovel. Zasuto. Zhangaylo. O orlyos phela:

– Seko bersh – phenla – hala me tsikoren! Akana tu pomognindyar mange! – phenla – Hale tuke kaya por. Dikhlyan zori, thar la. Me ka pomogninav tuke!

Lela o por. Thol pe zhebate. Ushtino, gelo peske. Phenla:

– Akana so sreshtninava, ka mudarav veche!

I tsidindyas, zhala peske. Gelo ando kwri. Dikhela ekh lisitsa. E rikone – ha-a-a, goninena la. I lesitsa nashti, nashti i geli pravo pash les.

– A, be! O ruves lilyan, i mechka lilyan! Akana li i lesitsa ka les?

– A, be! Voy si meri! Voy si kaya, kay muklyom, be!

I lesitsa lel, del les ekh bal.

– Le kaya bal! Thar la, kay manges te pomozhinav tu!

Thool la pe zhebate. Gelo peske. Shunla, kay o thagar phenlyas, chi kon garavela pes te nashti te arakhel les o thagar, ka achhyol thagar.

Kial. Gelo pash o thagar. Thay:

– Thagara! Me ka garaa ma!

– Mishto, be!

O thagaras isi ekh glwdalos. Sichko arakhela.

O rom lilyas, thardyas o bal ruvestar. Hop, o ruv alo.

– So?

– Mi o thagaras ake so, ake so. Tryabuel te garaa man, te nashti te arakhel man.

– E, dobre!

Lela o ruv, gelela les ekhe hevyate. Thoola les andi hev. Saure ruva upral leste. Uchharna les ruventsya. O thagar rodinde, rodinde, nashti te arakhel. Lela o oglwdalos i hop, dikhela kay si garavdo.

Ushtino o rom, gelo.

– E! Sar, be? Dikhlyan man?

– Dikhlyam tut! Ulyan ando ruva!

– Emi, arakhlyan ma!

– Panda isi tut?

– Isi man.

Tasyaripe obadinela pes o thagareske. Zhala pash i mechka. I mechka swshto. O thagar rodela. Ha kate, ha kote – nashti. Lela o glwdalos, dikhela les ando mechkes.

Lela pes tasya andivin, gelo. O thagar pala swshto.

Treto, ka zhal pash o shoshoy. O shoshoy lilyas les, ta pash o